



Faaaogā le Siaki & Fesootai

la fesootai tamaiti i le aoga faapea ma le faia o a latou meaaoga

O Tagata o loo Fesoasoani i Talavou i totonu o Aoga Mauululuga (YWiSS)

O nisi taimi e lē faigofie mo talavou le amata i se aoga mauuluga. E toatele o le a lagona le atuatuvaale, mafatia, tuua toatasi, o faafitauli i ni mafutaga, poo isi lava mea e ono faafaigata ai ona ua'i lelei le mafafau i meaaoga.

E fesoasoani faufautua (mentors) mai le YWiSS i tupulaga talavou ua iai i le lamatiaga o le lē uai atu ia latou meaaoga, ina ia toe faaleleia o latou tomai e ausia ai ni tulaga lelei e lē gata ia latou aoga, ae ia toe lelei uma isi vaega o o latou olaga.

E faaaogā e faufautua le polokalame o le **Siaki & Fesootai (Check & Connect)** e galulue faatasi ai ma tupulaga talavou, ma galulue soosootau'au ai ma vaega o loo faatinoina le tausiga faaleagaga (pastoral care), ina ia iai ni faiā lelei i le va o le aoga, le aiga o le talavou ma le komiuniti.

Siaki & Fesootai

O le Siaki & Fesootai o se polokalame mo se vave faaulavea na faavaeina e taumafai ia toe faafesootai ai le naunau o tamaiti ia latou aoga.

E lua tausaga e galulue faatasi ai se faufautua ua agavaa ma se tamaitiiti aoga, ina ia fesoasoani i le tamaitiiti ia toe fiafia e alu i le aoga ma ia tupu a'e ni ona lagona faagaeetia mo sona lumanai.

O mea o le a faia e le faufautua:

- › **Siaki** poo toaga le tamaitiiti i le aoga, poo ā mai le amio ma le agaigai i luma o le tamaitiiti i le faiga o ana meaaoga i vaiaso taitasi
- › **Fesootai** ma le tamaitiiti, ina ia faataatitia ni sini, foia ni faafitauli ma faamalosiā i ai ina ia fiafia e auai ma fai sona sao i meafai a le aoga
- › faamautu faiā i le va ma isi tamaiti aoga ma o latou aiga/whānau, ma e ao i le vasega o faiaoga ona faamatilatila ni tulaga ua taulau manuia ai le tamaitiiti i ana meaaoga
- › galulue ma le aoga ina ia fesootai le tamaitiiti i isi fesoasoani ma auaunaga pe a talafeagai.

Faatulai ni manatu

O loo avanoa le auaunaga mo tamaiti i le vasega 9 ma le 10, o tamaiti ua amata ona tia'i aoga pe ua agai atu i le tulaga o le lē toe fia o i le aoga po ua lē toe naunau e fai meaaoga.

O nisi o faailoilo o lenei faafitauli:

- › ua tele ina tia'i aoga e aunoa ma se mafuaaga tata
- › ua tele ina tuai soo i le aoga
- › ua tele ina iai uiga faatupu vevesi
- › ua seāseā toe faia ni ona sao i meafai a le vasega
- › ua tele ina lē mae'a lelei ona fai meaaoga e avatu i le fale.

E na o le aoga lava e mafai ona latou faatulai atu ni manatu, pe afai e ioeina e le tamaitiiti aoga ma lona aiga/whanau.